

DISPUTATIO MEDICA
INAUGURALIS,
QUÆDAM DE
VESTITU LANE O,
TRADENS.

QUAM,
ANNUENTE SUMMO NUMINE,
Ex Auctoritate Reverendi admodum Viri,

D. GULIELMI ROBERTSON, S. S. T. P.
ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,
Et nobilissimæ FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

JOANNES H. GIBBONS. M.B.
PENNSYLVANIENSIS,

Societatis Physic. Americ. Praefes annuus.

Nec non

Societatis Reg. Med. Edin. Sodalis.

Quid meritaæ estis, oves, placidum pecus, inque tuendos

Natum homines? - - - OVID.

Pridie Idus Septembris, H. LQ. S.

EDINBURGI:
Apud BALFOUR et SMELLIE,
Academiae Typographos.

M,DCC,LXXXVI.



Viro magno

JOANNI DICKINSON,

ARMIGERO,

L. L. D.

Reipublicae Pennsylvaniensi nuper praefecto,

Ob egregia ejus de patria sua promerita,

Cujus jura pariter et libertatem,

Tam domi quam militiae,

Facundia defendit,

Virtute propugnavit,

nec minus,

Ob morum probitatem,

Quem proba et libera civitas

Ad se regendos deligit,

Digno:

Digitized by the Internet Archive
in 2016

<https://archive.org/details/b24928720>

Item,

Amico suo optimo, et carissimo,

J O A N N I T A B B,

A R M I G E R O,

In agro Amelienfi, in Virginia,

Viro

Humanitate et probitate nulli

Secundo,

Ob summam ejus in se,

Minus adhuc notum,

Humanitatem,

Et plurima et maxima beneficia deinde colata,

Veram,

Denique,

Adversus se

Paternam curam :



Nec non,

Viro dilectissimo

JOANNI BANISTER,

ARMIGERO,

A Battersea, prope Petropolin,

In Virginia,

Viro summo,

Civi optimo,

Cujus in hospites benignitas,

In amicos bonitas,

In omnes morum suavitas,

Summum omnium amorem

Conciliarunt ;

Hanc disputationem Medicam inauguralem,

Suae tantorum virorum reverentiae,

Grati animi, et aestimationis

Testimonium,

Sacrum esse voluit

JOANNES HANNUM GIBBONS.

Dr. Jeffray with best
compliments from
his fellow candidate
H. Gibbons

DISPUTATIO MEDICA,

INAUGURALIS,

QUAEDAM

DE

VESTITU LANE O,

TRA DENS.

HOMO imbecillus atque inops, prae caeteris animalibus, in mundum venit: Tam frigoris quam famis impatiens, vel hanc extinguere, vel illud defendere nescit, nec quidem, si sciret, valet. Quae ratione, diu parentum solerti et assidua nititur cura, qui, aetati ejus victum praecipue convenientem ministrant, corpusque nudum adhuc, vestibus, aliis animalibus direptis, foveant. Jam undique illum aggrediuntur morbi, vitalem auram, simul fere ac haustam, expiraturum;

A

quorum

quorum omnium nullus est, quo magis periclitatur, quam iis quos frigus edere solet.

Eidem, calor, nascenti, crescenti, et vigenti, necessarius, vires et fulcit et auget; qui, cum ad quendam gradum diminutus est, subsunt languor et torpor; si magis usque diminuitur, mors certa sequitur.

Caloris vero quidam gradus est, in quo omnia animalia, muneribus omnibus suis, jucundissime et expeditissime funguntur. Qui gradus, in diversis regionibus, diversus, jucundus dehinc caloris gradus nominabitur.

In frigidioribus locis, inter gradum XLVtum et Lmum Thermomet. Fahrenheit. gratissimus, in temperatis, idem altior erit, ut inter LVtum. et LXmum, dum in ardentibus plagis, etiam altior, in LXVto, aut LXXmo, ponitur.

Diversa animalia, diversos caloris gradus, et fere quodque genus gradum sibi proprium, postulant. Sic
humanum

humanum genus in LXIII^oio caloris gradu, urfus et vulpes in L^{mo}, leo et simia in LXX^{mo}, omnibus muneribus jucundissime funguntur.

Perfectiora omnia, ut homo et quadrupedes, qui validas caloris gignendi facultates habent, muneribus suis, in caloris gradu multo infra sui corporis gradum, optime funguntur; quae quidem, convenienter naturae, in calore gignendo, perpetuo versari videntur*.

Calor, non modo vitam et vigorem, omnibus animalibus et herbis, praebet, sed etiam elementorum formae necessarius est.

Campi nunc gelu rigent, nunc nive horrent, nunc floribus herbisque vestiuntur ridentque. Fluvii nunc glacie consistunt, nunc per terras delabuntur. Nunc oceano vapores exoriuntur, ad nubes formandas, quae, modo in gratis imbribus, modo in horridis grandinibus, descendunt. Curvata nunc iris, nunc meteora mortalibus

* Clar. J. Hunter, MS. Prael.

bus videntur, nunc tonitrua sonant, nunc fulmina, quae mortalium horrore percutiunt pectora, micant : Haec omnia, aut a majore aut minore caloris gradu, pendent.

Qui si abesset, vitam animalia, fluiditatem aqua, vim refiliendi aër, amitterent, et tota natura rudis indigestaque moles fieret. Contra, si valde augeretur, fluidam formam solida corpora induerent, in vaporem aquae mutarentur, et omnia demum in primum ruerent chaos.

Ut ad proprium redeatur propositum, haud intellectu difficile erit, nos, vestitus lanei usum, in ulla regione, ullave tempestate, ubi aëris calor circumambientis haud paulo calorem gratum superat, laudare nolle ; quem, tantum ad amissum, quantum haëtenus observatione comperiri potuit, supra statuimus.

Quando

Quando pannus laneus cuti admovetur, jucunde eam excitat; non affueto vero, cuteve delicatiore praedito, pruritus facit, genitum corporis calorem, quippe qui parum eum transmittit, servat et accumulat: Atque per frictionem, quam concitat, sphaera electrica fortasse (ut ingeniosus scriptor * putat) circumdatur corpus. Totum genus nervosum leniter stimulat. Humores ad corporis superficiem, quod, prae omnibus, ad secundam valetudinem, necessarium est, elicit; materiam denique perspirabilem bene absorbet.

Commodum, quod lanea materia omnibus podagra laborantibus praebet, primam attentionem postulat. Qua, frugalis uxor gulosum maritum fovet, eique cruciatum arthriticum, nullis jam aliis auxiliis juvantibus, medicus haecenus reliquit, cui etiam aeger, remedio tam jucundo tutoque, ipse fidem habet.

Arthritis in calidioribus regionibus raro grassatur; sed maxime eos invadit, qui in frigidioribus vivunt, epulisque

* Brydone, in his tour through Sicily, &c,

epulisque lautioribus indulgent, et vino aliisque liquoribus spirituosius ultra modum dediti sunt.

Causas vel symptomata hujus morbi plenius investigare, vel de variis medicorum sententiis differere, a proposito nostro alienum est. Neque amplius quicquam de morborum natura causisve, qui in hoc opusculo posthac memorabuntur, quam quod ad rem nostram elucidandam opus sit, indagandum nobis videtur, idque ob rationes satis manifestas.

Morbus, de quo sermo erit, ex debilitate, et plerumque ejus generis quod indirectam appellamus, plane pendere videtur. Rem ita se habere, homines, quos maxime invadit, et effectus frigoris*, famis, vigiliae nocturnae,

* Saepe accidit, ut subita corporis refrigeratio paroxysmum arthriticum inferat; et multa exempla sunt, ubi frigus arthriticorum pedibus applicatum violentissimos ventriculi dolores excitavit; nec alia desunt, ubi tali imprudentia mors ipsa subito est inducta. Exempli posterioris generis cel. Professor Gregorius, in praelectionibus eximiis suis de theor. med. mentionem fecit.

nocturnae, veneris immodicae, omniumque potestatum debilitantium, nocivi, argumentum adferunt: Quod et prosper eventus stimulatricis curationis, nuper introductae *, non solum in levando, sed etiam morbo omnino tollendo, supra fidem confirmat.

Felicem curationis stimulatricis exitum, quem ipse bis vidi, paucis referam. Medicus doctus ingeniosissimusque, peracto quasi curriculi vitae dimidio, penitus vero corpore sano, nisi quod podagrae tonicae, uti appellatur, jam opportunus erat, post fatigationem et inediam rursus, solitis symptomatibus, scil. magni pedis pollicis dolore et inflammatione, correptus est.

Quoniam antea usitatam medendi rationem sine fructu expertus erat, ad methodum longe aliam nunc decurrere statuit. Itaque (die morbi secundo) tincturae theb. phar. Eden. guttas XL, cum quodam dolorum violentissimorum levamine, cepit; eandem dosin tertia quaque hora, majore etiam cum fructu, iteravit, usquedum guttas ducentas sumpserat; quo tandem tempore morbus ex toto depulsus. Redeuntibus (die morbi 4to) levibus doloribus,

* Vide Brun. elem. med.

doloribus, iterum ad opium, eodem prospero eventū, decursum est; quod unā cum haustibus potus validi Anglice *toddy*, pro re nata exhibitis, morbum prorsus sustulit, qui postea, nisi multis mensibus lapsis, non repetivit.

Caeterum, cum mihi de opii virtute non satis certum esset, tentare statui, potusne validus, similiter ac opium, podagrae impetum depellere posset. Nec multo post occasio mihi oblata est. Vir robustus, qui secundam valetudinem consueverat habere, annos natus 45, symptomatibus podagrae tonicae corripiebatur. Illum mihi videre contigit (die tertio morbi) nullo adhuc remedio adhibito, magnus pedis pollex tumidus, inflammatus, adeo dolore vexabatur, ut eo solum tangere non posset. “An
“ salutem vellet recipere, quaerenti mihi respondet,” quo conflictabatur morbum salutem non recipere; sese tamen, quicquid opem promitteret, id esse paratum accipere.

Potum igitur validum *toddy*, ex liquore fermentato *rum* dicto, confectum, dedi. Quo facto, unoquoque haustu sublevabantur dolores; idque facere perstitit, usque dum adeo illi mitigarentur, ut intra tres horas mecum per cubiculum ambulare posset.

(Dic

(Die quarto morbi)

Dolores multum levabantur.

Ei potum validum iterum administravi; qui dolores penitus sustulit.

Notandum est, nulla ebrietatis symptomata, qualia inter ambulandum vacillatio, seu in sermone confusio, est, inducebantur.

(Die quinto morbi)

Dolores admodum leves erant.

Repetatur potus validus.

Habeat jusculi lauti ex carne confecti, adempto adipe, uncias decem.

(Die sexto morbi)

Nullus suberat dolor, praeter aliquam in magno pedis pollice rigiditatem.

Quantitas potus validi minuatur, jusculi augeatur.

(Die septimo morbi)

Nullus rediit dolor.

Pannum lancum adhibitum fervare, potum validum paulatim minuere, et ad pristinam rationem vivendi gradatim redire, jussi.

(Die morbi vigesimo)

Podagra nulla, sex mensibus jam lapsis, repetit.

Nullus morbus sive acutus, sive chronicus, magis grafsatur, aut frequentius mortem inducit, quam phthisis pulmonalis. Si operae pretium esset computationem inire, et, si tabulis mortuorum Londinensibus fidentum est, nequaquam difficile probare foret, hunc morbum, in magnae insulae Britanniae, viginti et quinque millibus hominum quotannis lethalem evadere.

Efficacissima haecenus remedia frustra adhibita sunt, et tristis experientia iterum iterumque docuit, vix singulos e millenis, quos morbus invaserit, salutem suam demum recuperare. Quod que imprimis luctuosum est, tam dira lues, inter amabilissimos formosissimosque, ac sequioris praecipue sexus, prae caeteris, saevit.

Quoniam igitur morbus sanatu difficilis est, noxae, quae illum faciunt, inter quas frigus praecipuum locum obtinet, summa cura fugiendae.

Veram rationem reddere omnium symptomatum
quae

quae hypochondriafin comitantur, valde difficile erit. Ex totius autem corporis torpore, lassitudine, metu, et moestitia, una cum functionibus ventriculi et intestinorum turbatis, quae, in nausea, vomitu, ructu, ruminatione, cardialgia, interdum diarrhoea, sed alvi saepius tarditate, manifestantur; ea omnia, malum, in debilitate, tam alibi corporis, quam prae caeteris in tubo alimentario positum esse, demonstrant.

Inter omnes causas, quae hoc malum edunt, nullae magis frigore cum humore conjuncto valent. Manifestus profecto talis aëris effectus est, quoniam fibras musculares laxat, totum corpus debilitat, fluidorum ad corporis superficiem determinationem impedit, animumque hebetat*.

Humor

* Effectus perspirationis impeditae nocens Sanctorio observatus fuit; nam in aphorismis suis staticis, "Hilaritatem," ait, "dum libera per corporis superficiem perspiratio sit, in mente nasci; sed contra, gravitatis in corpore sensum, et in animo moestitiam, perspiratione impedita, percipi."

Humor enim in aëre solutus seu diffusus, ut hic illum calorem, quem omne animal aut abundantius aut malignius intus gignit, aptius deducat, efficit; hinc nimium caloris, et cito nimis, corpori adimitur.

Ad dyspepsiam sanandam (inter quam et morbum proxime relatam distinguere saepe perdifficile est,) vestitus laneus haud parum confert.

Catarrhus, cujus praecipuum symptoma tussis, in frigidioribus regionibus, et tempestate hiberna, frequentissimus est morbus. Idcirco non solum medici fere omnes, sed vulgus etiam, morbum a frigore oriri putavere. Sed de modo operandi ejus inter illos non convenit. Plurimi strenue contendunt, frigus catarrhum, perspirationem supprimendo, gignere; dum alii, et praecipue vir ingeniosus Jacobus Keill, de hoc dubitasse videntur. Nam, in *statica sua Britannica*, hunc aphorismum notabilem protulit:

“ Adiapneustia non est causa tussis:”

Et

Et procul dubio, perspiratio, nullo catarrho insequente, saepe suppressa est. Contra vero, frigus satis intensum, ad perspirationem supprimendam, totius rei causa esse nonnunquam videtur.

Altera vero opinio, et quae multis arridet, catarrhum nunquam frigore nasci; caloris autem, aliorumque stimulorum, effectum esse aequè contendit.

Levamen, quod, vestitus laneus, rheumatismo, arthrodynia, paralyfi diu persistente, laborantibus, praebet, omnibus bene notum est.

In colica quoque, quae a frigore saepe oritur*, maxime prodest:

Nec minus in dysenteria, praesertim in statu morbi convalescente, quo minimum frigoris saepe morbum revocat.

Ad

* Vid. De Haën Rat. Med. Vol. 2.

Ad diarrhoeam sanandam, indusium laneum inter efficacissima remedia non immerito habendum est.

Multum, in asthma, diabete †, et melancholia, levamen, determinatione ad corporis superficiem assidua conservata, per idem saepe paritur.

In morbo, cum dedecore humani generis, iraque decorum, venereo, qui semper in frigidioribus regionibus violentissimus ac sanatu difficillimus, nunquam negligi debet, praecipue si laborans mercurii sub imperio sit.

Gonorrhoeae curatio, in provectiore illius stadio multum expedita, ac dolores levati, penem testiculosque panno laneo, more suspenforii, circumdando.

Subita, levium inflammatorium faucium affectuum, quae, in tempestate hiberna, saepe occurrunt, curatio, materia lanea admota, omnibus bene nota est.

Multi

† Cel. Doct. Duncan MS, pracl.

Multi alii sunt morbi, e quibus idem commodum afferre potest. Sed de his vix verbis opus est. Per eandem, perspiratio justa ac aequabilis, visque caloris stimulatrix servantur, et omnia fere commoda, quae coeli mutatio praebet, acquiruntur.

Pannus laneus cuti proximus admoveri, saepeque mutari ac lavari, debet. Aptissima fasciarum materia idem est, in vulneribus ad suppurationem proclivibus, admovendarum, non modo ad idoneum calorem servandum, sed etiam pus ac humorem absorbendum.

“ Sudaturus denique, reiectis omnibus vestimentis et stragulis linteis, laneis solis se involvere debet;”
Greg. consp. med. theor. § 1493.

Commodum quod vestitus laneus, non solum in fanandis aut levandis, sed etiam praecavendis, morbis, afferre potest, medentium attentionem sibi vindicat.

Omnibus

Omniſus cultis gentibus, corpora veſtire, vel decoris gratia vel frigoris defendendi, mos eſt; quae idcirco vario veſtitu, vel illi vel huic maxime conveniente, uſae ſunt.

Calor (ut ſupra relatum) ſtimulus corpori communis ac neceſſarius eſt: Qui omni in gradu, aut juſte, aut nimis, aut parum, ſtimulat. Quando idem jucundus eſt, ad ſecundam valetudinem ſpectat. Verum, ubi multum ſuperat, ut in torridis locis, nimis ſtimulat, et morbos, in nimio calore, aut in indirecta debilitate poſitos, creat; ubi multum deficit, ut in frigidis regionibus, aut tempeſtate hiberna, et in temperatis plagis, parum ſtimulat, et in deficiente calore (quod frigus dicitur) aut in directa debilitate, conſiſtentes parit.

Quoniam igitur frigus, ultra certos fines, corpus ſemper debilitat, et ingenti malorum cohorti opportunum efficit; id, aut veſtitu, aut igne, defendere neceſſe eſt. Ille eo magis neceſſarius eſt, quo hic minus ſaepe parabilis.

Qui

Qui luxui magis dediti sunt, pannum lineum velut optimum, qui cuti fit proximus, adhibuerunt. Cui autem consilio, me iudice, pannus laneus multo melius accommodatur, ut qui, non corporis calorem tantum fervet, sed etiam, quod per cutem exhalatur, id melius absorbeat. Omnes igitur eum adhibere monerem, qui, vel sponte, vel necessitate coacti, frigori obijciuntur, eoque magis, si cum eo conjungitur humor, sicut apud piscatores et nautas, &c. res sese habet.

Homius Professor clar. dicit *, se observasse hydropes saepius occurrere in plagis ubi aër humore gravatur; atque in Princ. Med. † hanc habet explicationem.

“ Omnium perniciosissima est nimia humiditas, quæ
 “ cuti et pulmoni externe applicata, per venas bibulas
 “ intus assumpta, totique corpori interne applicata,
 “ fibras laxat et debilitat, perspirationem minuit, et
 “ humores nimis aquosos reddit. Hinc gravedo, tussis,
 “ asthma, phthisis, hydrops, &c.”

C

Atqui,

* Pracl. suis de mat. med.

† Lib. i. p. 20.

Atqui, an humor eo magis debilitet corpus, quod absorptus in sanguinis circuitum recipitur, an noceat, calorem corporis nimis cito tollendo, et ita cutis incitationem minuendo, perspirationique obstando, et sic, quandam materiam noxiam, quae per cutis spiracula emitte debet, retinendo, nonnihil ambiguum esse videtur.

Frigus, ut antea dictum, non modo animalibus herbisque, sed etiam elementis, inimicum. Corpus recta semper, semperque pro magnitudine debilitat *; et ille animantium vigor, in frigidioribus regionibus, non frigori, sed defensionis vestis, domus, ignis, motus sui, et nimio prohibito calori (quod pariter ac frigus debilitat) tribuendus est. Ut vero nihil, in pluribus morbis in debilitate positus, frigore magis adhibetur, ita nihil cum majore damno, et saepe praesenti perniciem, potest adhiberi; ob quam causam cum cura fugiendum est; Utpote cum in omnibus, in debilitate sive recta sive indirecta, positus morbis, debilitans curatio vitanda sit. Nimio vino, exempli gratia, debilitatus, non frigida

* El. med. § cxvii.

gida aquosave, sed potione valida; crapula laborans, non tenui victu, sed jusculis lautioribus ex carne confectis, medendus est.

Quoniam igitur frigus nunquam non corpus debilitat, et eo facilius, quo, aliquis vel morbo, vel quavis alia causa, jam ante debilitatus sit, ita convalescentibus omnibus, nuper nuptis, helluonibusque, magnam utilitatem vestitus laneus adfert.

Inter dormiendum, vel in torporis statu, omne animal, minus sibi caloris, quam si vigilans negotiis incumberet, gignit. Quam ob causam, majore vestitu, omni corporis parte, in somno, quam vigilia, opus est. Hinc, apud cultum generosumque populum, pileo dormitorio, ex panno laneo facto, uti mos est. Et nullus dubito quin magnum inde ferant commodum, non ad capillos tantum, sed dentes etiam servandos.

Commodum, quod vestitus laneus, in frigidioribus regionibus, militibus, nautisque, praebebat, omnis imperii
bene

bene ordinati et administrati attentione dignum, tametsi ea senatoris potius quam medici forsan cura est.

Saepe fido militi accidit, ut, post longum molestumque iter, defessos artus, somno, frigidam super terram, nullo amictu, committat; unde, copiosa perspiratione subito suppressa, magna oritur malorum cohors.

Idem, de interrito nauta, qui, diu jactatus in alto, tempestate intermittente demum, amplexibus somni, in vestitu humido frigidoque sese committit, incius quantum periculi talis incuria minetur, dicendum est.

Effectibus frigoris nocentibus obviam ire, et salutem viris tam utilibus praestare, magni habendum est. Ideoque, ut unusquisque miles nautaue vestibus calidis, quales indusia, subligacula, tibialia lanca sunt, bene instruat, monerem. Multa, hocce modo, et gravia mala, qualia, in castris febres, in classe scorbutus sunt, cavenda; propterea quod frigus omnes excitantes horum morborum causas toto coelo superat.

Denique,

Denique, omnibus valde utilis idem erit, qui a terra, ubi calidum fuerat coelum, in alteram ubi gelidius id est, demigrarunt. Nemo, viribus sui corporis nimium fretus, levi amictu lineo utatur, ne, dira experientia doctus, valetudinem talibus coeli mutationibus periclitari, magis quam suspicatur, addiscere cogat, et damno adfici sero saepe discat.

“ Neu retuli quicquam, nisi amicis, idque coactus.”



Jamque restat, ut grates sinceras, Praeceptoribus meis illustribus academiarum primum Pennsylvaniensis, Professoribus eximiis, et praecipue Gul. Shippen et Benj. Rush, dein Edinensis, venerando Cullen et celeberrimis Monro et Black, ob tot mihi tamque utilia praecepta tradita, habeam; item Thomae Parke, apud Philadelphienfes medico, suae artis peritissimo, viro cultissimo, mihi carissimo, a quo medicinae rudimentis primo imbutus sum, propter ejus in me curam et amorem, triennali mei apud illum tyrocinii tempore, praestitum.

